

9. Ijambo «**Urusisiro**» bivuga: <sup>1</sup> Ahantu hose hari amazu yegeranye cyangwa afatanye ari Kuruhande urwo arirwo rwose rw'inzira nyabagendwa; cyangwa se <sup>2</sup> Aho binjirira n'aho basohokera hagaragazwa n'ibyapa by'aho hantu.
10. Ijambo «**Umuyobozi** » bivuga: Umuntu wese utwaye ikinyabiziga, cyangwa Uyobora mu nzira nyabagendwa inyamaswa zikurura, zikorera cyangwa zigenderwaho; cyangwa amatungo, yaba ubushyo cyangwa imwe imwe.
11. Ijambo **Umukozi ubifitiye ububasha** bivuga: Umwe mu bakozi wambaye kuburyo bugaragaza ibimenyetso by'imirimo ashinzwe; (urugero: abapolisi bo mu mutwe ushinze umutekano wo mu muhanda).
12. Ijambo **Ikinyabiziga** bivuga: Ikintu cyose gikoreshwa mu gutwara abantu n'ibintu Ku butaka; kimwe n'igikoresho cyose kigendeshwa gihingishwa, gikoreshwa mu nganda cyangwa ahandi.
13. Ijambo «**Ikinyamitende**» bivuga: Ikinyabiziga cyose, nk'igare ry'ikiziga 1, 2, 3, cyangwa bine Kigendeshwa n'ingufu z'abantu bakiriho; nko kuba bakoresha ibirenge cyangwa intoki.
- 14.a) Ijambo « **Igare** » Bivuga: Ikinyamitende cy'ibiziga bibiri;  
b) Ijambo « **Velomoteri** » Bivuga: Ikinyabiziga gifite ibiziga bitarenze bibiri, kandi gifite Moteri itarengeje santimetero kibe 50 cyangwa imbaraga zitarenze KvA4 (Kaveya), icyindi kandi hakurikijwe uko cyakozwe, umuvuduko wacyo nturunge km 60 mu isaha.

**N.B:** *Igare na Velomoteri bidahetse ababigendaho ntibibarwa nk'ibinyabiziga.*

15. Ijambo «**Ipikipiki**» bivuga ikinyabiziga cyose cy'ibiziga bibiri gifite moteri, ukuyemo za Velomoteri;
16. Amagambo « **Ikinyamitende itatu n'ikinyamitende ine bifite moteri** » Bivuga: Ibinyabiziga by'ibiziga bitatu cyangwa bine bitarengeje uburemere bw'ibiro 400, kandi moteri ikaba itarengeje santimetero kibe 350 cyangwa imbaraga zayo zikaba zitarengeje KvA15.

**N.B:** *Gushyira intebe kuruhande cyangwa rumoroki inyuma yibi binyabiziga ( bimaze kuvugwa 13, 14, 15,16) ntacyo bihindura kurwego birimo.*

17. Ijambo **ikinyabiziga kigendeshwa na moteri** Bivuga : Ikinyabiziga cyose gifite moteri kigendesha kandi kigendeshwa n'ibikigize.
18. Ijambo « **Imodoka** » : Bivuga ikinyabiziga cyose kigendeshwa na moteri, uretse velomoteri, ipikipiki Ibinyamitende itatu cyangwa ine bifite moteri, n'imashini zihinga n'izindi zikurura zifite moteri ; zikaba kandi ku busanzwe zitwara munzira nyabagendwa abantu cyangwa ibintu cg se zigenewe gukururwa ibindi binyabiziga bitwara abantu cyangwa ibintu.
19. Ijambo «**Rumoruki** » bivuga : Ikinyabiziga kigenewe gukururwa n'ikindi ; iryo jambo rikoreshwa no kuri za Makuzungu.
20. Ijambo **Makuzungu** bivuga : Rumoruki iyo ari yo yose yagenewe gufatishwa ku kinyabiziga Gukurura kuburyo igice cyayo kiba kiyiriyamye, kandi igice cy'uburemere bwacyo ndetse n'ubw'ibyo itwaye bukaba bushikamiye icyo kinyabiziga.
21. Ijambo **Rumoroki ntoya** Bivuga : Rumoruki iyo ariyo yose ifite uburemere butarenze ibiro 75
22. Amagambo «**Ibinyabiziga bikomatanye n'ibinyabiziga bikururana**» bivuga ibinyabiziga bifatanye bikagenda nk'aho ari kimwe.